

吾亦思集

五絕

吾亦思---詩緣

歲月何如此，抒情友和詩。樹花開落盡，緣起總相思！

吾喪我

混沌化虛無，初生始有吾。吾當齊物看，赤子戲鵝湖。

五律

逍遙

望月懷思語，星空藏斗牛。扁舟浮捲浪，白璧蕩狂流。
料作功名路，應為政客囚。吾心追本性，夢蝶任遨遊。

大阪遊賞抒懷

本願城門盡，櫻花處處飛。天皇長野駐，武士次郎威。
戰國三英傑，梅田萬點輝。幽幽天守閣，一望雨霏霏。

註一：本願，大阪城原址，石山本願寺。

註二：次郎，武田信繁，日本戰國時期武將，武田二十四將之首。

七絕

合歡山聚會

銀爐小火酒三杯，新雪孤松有舊醅。笑語佳音皆老友，明朝散去幾時回。

註一：舊醅，此指老友自釀梅酒。

秋分飲酒聽民歌四十

簾外秋聲透早涼，疏枝更顯菊花黃。金風響起輕狂事，一夜民歌酒十觴。

和老友剪髮詩

春風已暖柳飄揚，得意文章似楚狂。白髮緣何騷墨客，湯湯泗水可流芳。

清明即事二首

又是清明到故鄉，春風上塚自生涼。天涯兩望無言語，默寄思情一炷香。其一

清明潤餅捲相思，默禱吾家百事祺。告汝毋須牽掛去，紅塵極樂且安居。其二

丁酉雜詩賀歲作二首

福犬奔來慶旺年，佳餚笑語更新鮮。團圓本是年年事，守歲迎春不忍眠。其一

初二娘家迎子婿，妻兒作客泰山欣。圍爐伴手噓寒暖，子嗣三年湊一群。其二

己亥雜詩賀歲行春三首

三千己亥始輪迴，六十春秋一瞬雷，拂去塵埃花自放，春風不見總歸來。其一

行春駁二人紛踏，大港粼粼暖自知。冰果嚐鮮消溽暑，清涼不覺立春時。其二

初四壽山天爽朗，獼猴奪盜太猖狂。承恩筆下齊天聖，怎料徒孫落此行。其三

七律

乙未美濃、府城地牛翻身為災戶祈福

乙未台南翻地牛，小年夜夢斷高樓。美濃小鎮哀鴻野，永大滿街哭老叟。
昔日悠悠行大道，今朝踽踽溼雙眸。安康我輩齊天佑，滿福心寬在玉猴。

丁酉勵志

丁酉金雞破曉鳴，晨曦未至冷風清。男兒有志豪情在，風雨無驚正氣迎。
一片丹心留史冊，五更劍舞舉功名。休言俛首浮雲蔽，笑待高聲萬里晴。

丁酉花蓮地牛翻身，祈禱天佑台灣，賜福花蓮

丁酉花蓮地震催，婆娑海島苦哀哉。悲求屋舍無人困，痛惜蘇花有路回。
枉法奸商須挫骨，貪賊政客可揚灰。懷仁處處皆風景，不枉蒼天獨愛台。

端陽有思

端陽競渡念先賢，惡月濤神入鄭箋。暴虐君王剗炬眼，狂悲史冊獻蒼天。
申胥一怒錢塘嘯，屈客多愁子楚憐，天問忠魂何處有，今朝僅剩古詩篇。

詠三八婦女

宮廷靚女獻霓裳，女子無才競抹妝。悅己容歡成豔婦，持家技巧扮廚娘。
無緣舊制三妻室，有幸新婚五福堂。三八平權承日月，風情雨潤又嬌陽。

古體

觀時事有思

媒體多紛亂，真假冷熱嘲。哀哀我國境，風雨灌塵囂。
勞工無所措，樹人如花凋。萬物齊飛漲，年改似斲刀。
文化貴根本，看作魅狐妖。狂招學子至，師道輕如毛。
蓬萊稱寶島，竟無處可飄。黃鳥猶須恨，碩鼠亦可譙。
奮力二十載，換得窳破巢。仰天哭無用，怨己非富豪。
高堂伴妻小，病軀又叟叟。踽踽步重重，暮暮又朝朝。
但求鴻鵠志，孺子仍可教。盼得此亂世，社稷有皋陶。

新玉門關鐵馬行

五更破風鐵馬行，文衡殿前已天明。車手熱身頻競走，遊客焚香駐丹楹。
鳴槍猛踏如戰馬，落花狂飛似雪輕。關廟人傑多高地，丘陵農作揮汗耕。
新化超商爭補給，沿途美景不須驚。左鎮始坡得作氣，坡高越發爭營營。
玉井宗果滿山垂，香溢南北遠馳名。內門紫竹宴宋江，總鋪師傅勤作羹。
到此一百八十二，陡峭蜿蜒龍蟠騰。腳力堪憑意志堅，騎士追趕拚輸贏。
踏得七十六里路，不惑壯年換年青。衝破來路喧囂處，友朋戲稱少年兄。

詞

蘇幕遮·秋夜有思

別焚風，迎細雨。秋夜風涼，搖曳翩翩舞。酒意方濃煩事吐。
人說澆愁，圖醉不知苦。
舉金樽，邀李杜。怎釋胸懷，拋卻功名戶。癡傻營營身伴虎。
縱酒凡夫，狂笑王爺府。

鵲橋仙·七夕

丙申七夕，情人繾綣，纖手輕輕指扣。府城漫步也溫柔，
小倆口，牽成佳偶。
安平夜裡，港邊漁火，許下蘊長壑久。牛郎織女也相依，
羨塵世，來生可否？

蝶戀花·登高望山

獨上山巔山翠蔚。坐臥涼亭，亭外南風對。
花放爭妍圖獻媚，我狂我廢求千醉。
歸去瘋癲瘋放肆。酒後能吟，吟出英雄淚。
莫問淚從何處至，黃昏總是連憔悴。

定風波·夜不寐小酌賦詞

秋夜涼風不可尋，靜心無計發狂吟。妻子已鼾人未寢，偷飲，
賦詞未就再來斟。人說鴛鴦多可羨，甘願，
糊塗亦可撫弦琴。我羨林逋終不縉，神隱，身隨梅鶴入山林。

醉花陰·憶婚前

巷弄有花花似你，懶臥深閨裡，幽賞不知春，盼柳垂憐，輕惹春湖水。
鞦韆迴盪心如蟻，有動心歡喜，只是賤書生，暗淡前途，生怕伊人鄙。

虞美人·與同事騎單車出遊

歲增不感知天命，多少天不病？眼花齒豁髮不爭，羨煞少年瀟灑逆風行。
也曾意氣風流事，還笑不知悔！年華似水付東流，三兩老翁強作少年遊！

菩薩蠻·讀元稹有思

重重簾幕燈明滅，小樓細雨誰嗚咽？
是否恨張生？無人來問名！
有緣人可待，最怕紅顏改。
芳客醉多情，湊銅耍舞孃！

水調歌頭·憶海軍弟兄

船渡鼓山站，登賞壽山難。有情兄弟歸去，總是滿心酸。
我有千思萬慮，無奈螺聲催趕，放手忍相看。卸甲道珍重，瀟灑別金蘭。
渡船頭，離別酒，續千攤！依稀笑語，徒留星夜晚風寒。
不戀江山百乘，只愛黃湯十斗，狂飲醉同歡！此刻無眠夜，杯酒對誰乾？

念奴嬌·莫兄已過檢到中秋

丙申嬌月，仲秋微涼夜，老街新桂。爐火添情杯酒盡，疏影暗香搖曳。
月倚高樓，層雲轉淡，光灑臺階綴。秋颺已遠，但求遊子歸至。
更子悄轉寒侵，煙花已墜，天淨寒宮媚。獨酌再邀無語問，杯酒已乾方醉。
醉在吾鄉，怎堪酒醒，夢斷人不寐！夢不成夢，奈何詩意飛逝！